



扣華首門

僧釋禪 本無



華首門封經幾秋崖前空翠碧雲浮谷陵屢變衣
常在寒暑頻遷人自留欲問笑時何所悟未知定
處可容修跣趺石上心如水猿嘯孤峰月一鈎

登雞山絕頂晤眼藏上人

中書舍人

馬紹嚴

澹生騰越

鷲嶺重來梵塔新明燈古佛見前因登臨絕地窺
南徼呼吸通天倚北辰石磴苔侵僧舍冷莎牀語
對故人 巡禪欲訂他年約世界茫茫剩一身

壁間留題

行脚僧

浮杯萬里涉烟波白衲團團破似猿龍象個中知
已少江湖方外故人多幾年行脚誰能識一曲陽
春獨自歌到處隨緣堪掛錫無邊風景寄松蘿

雞足僧弘辯請藏浙中因遊天台

魏國公徐弘基六岳應天

親依智者坐天台爲請琅函杖錫來歸夢夜縣雲
磬寺征帆朝背雨花臺三車獨向林中演八部同
瞻海上回天樂幾曾聞講席青蓮應自舌端開

傳衣古松

何如璧文叔
徽州

尋松曳杖到傳衣曲徑苔堯逼翠微老幹婆娑成
好勢修柯宛轉避危機龍盤古穴根猶伏雷動高
枝影欲飛疑是天台舊圖書臨風搔首竟忘歸

送僧還雞足

釋讀徹蒼雲

滇南古路路千盤有客長歌行路難筇杖半挑雲
裡去遠山一點雪中寒瘴烟黑處淡須避烽火紅
時仔細看三月還家春色老杜鵑啼殺杏花殘

古雪齋

廣稱

萬山朝擁最高岑梵宇橫開祇樹陰水月相涵仍

色相風幡不動是禪心蒲團掛壁機緣寂鐵鉢藏
龍法海深佛祖一燈傳未盡天花處處散香林

石鐘寺

大鎔和尚

萬松影裡佛光廻百尺飛泉絕壑開塔古也知僧
定久月明幾見鶴飛來石鐘寺老存靈蹟陰洞燈
殘焰劫灰禪韻琅琅聲定後天花飄散妙香臺

通大覺寺

曹延生

佛光迴處境偏幽怪石長松漱碧流定裡刹那超
大劫燈前影幾痕舟花飛灑雨迷香界月落燈

潭印素秋福地因緣知不易西方蓮社許同遊

西竺寺

海海黃復生
元聲
黃州

花雨繽紛散異香
灑雲淡處禮空王
松聲謾謾歸
虛殿竹影蕭蕭轉
曲廊千佛場
中機已寂
三生石上話應長
西風歸路知多少
記得凡身落點蒼

大士閣

古道

自分孤踪老百蠻
冬晴逐伴叩禪關
塵心銷盡身猶累
道念觀空夢亦閒
古偈隨緣參野衲
新詩到處紀名山
圖松訪石都成癖
清事勞人未易刪

登雞山絕頂

巡道沈天錫簡臣

已據千峰最上頭，
冠高恍若御風遊。
西來羌笛梅花引，
東望湘靈竹葉秋。
一派寒流明遠水，
數行烟火暗荒洲。
天南烟瘴今何似，
長嘯凌空散旅愁。

羅漢壁

貢生許謨昌言廣安

探奇搜得古崖根，
泉脉泠泠浸履痕。
古洞有燈惟我印，
真經無字向誰論。
只愁名在仙猶障，
但得身閒道自存。
欲向中峰最高處，
水窮山盡問天門。

雞山絕頂

謝肇淛

猿梯鳥道翠微連，
靈塔孤標日月懸。
禹服河山開六詔，
上方雲水接諸天。
金沙雪嶺千重色，
蠻甸神州萬井烟。
欲借罡風吹羽翼，
化城深處息塵緣。

廣恩寺分烟樓

按院朱泰禎道子浙江

桃谿汎汎夕陽天，
山漏中分榻尚懸。
千騎霜蹄思伏櫪，
前騶月醉與分烟。
諸天暫許携雙屐，
三日應知遍百泉。
石鼎纔烹松上雪，
敲詩殘燭未成眠。

羅漢壁橫覽有禮佛臺，
仙人碁立關洞及迦。

槩寺標月樓藏經塔，
諸勝前人

少讀山經賦遠遊雞山如昨夢中求攝身光滿搖
燈月禮佛臺空宿斗牛石瓢龕依羅漢壁仙碁柯
爛辟支浮楞嚴一塔疑標月老衲儒風證上流

雞足山絕頂

李如楠

石磴縈廻鳥道通迢迭孤杖翠微中人間春色看
初上樹底波聲聽欲東今日乾坤浮瘴海有時雨
雪亂晴空千山靜擁高吟客俯仰泠泠欲御風

傳衣寺看杜鵑花有感

無盡

俗名陳起相

杜鵑花發杜鵑啼不問心知并蜀西空憶怨魂迷

望帝何期旅色動滇雞湘江水冷痕留在閬苑仙
歸月欲低淡院踈簾容容到花光缺處補山齊

宿三空靜室

前人

禪關水徑繞微茫一榻虛危倚壁旁石到不須題
姓字雲來或恐誤衣裳香分泉脉杯中碧日炤秋
聲樹遠黃夜坐下看星斗亂諸天鐘磬散燈光

遊華首門

李思謙

六古
鎮遠

晴霞鶴未回松關晝掩待誰開一禪久定千
峯五蘊才空萬劫灰路接猢猻梯攀翠嶽溪分曹

徘徊客心已付春山雪欲化清光繞石臺

雞足山絕頂

趙大生 西園祥符

道峰高不易登浮名羞問大三乘傳來西竺袈
客說是南華衣鉢僧巔插晴空天似水波澄秋
海月如燈雲封萬仞蓮花界為問凡夫夢到曾

華藏洞

前人

白雲深處鎖仙宮滿徑藤蘿杳靄中春與猿吟浮
翠紫秋從鶴唳響龍峯松高濤沸因風起月上猶
歸焉 三友士一人龍常自隱少林初子夢相同

懷雞足山

葉扶雲 天依

每憶雞山最上峰當年曾此寄凡踪凭欄月色臨
西洱欹枕秋聲入古松採藥靜諱幽澗洗寄書閒
向白雲封紅塵一向拘名利不聽山間午夜鐘

四觀峰頂

曹延生 未孩

老鶴閱世山之隈花開花落愁相催轉頭勝事都
春夢歎惜人間幾劫灰隨世功名悲逝影幻形天
地小浮杯要知此外無窮在莫道曾登絕頂來

再遊雞足山

許謨雲 言依

洞門深處白雲關自笑遊踪去復還採藥未能留
黑髮看花只欲醉青山寰中今古誰非幻身外功
名好是閒更覓桃源最淡處胡麻莫遣出人間

珠簾水

周應遇 麓山

何來飛瀑亂淋漓散作簾泉萬縷絲心想玉繩難
得繫眼看珠網不堪持渾疑坐織紋人室轉覺神
遊龍女祠無那四時花雨露水晶銀漢兩相宜

登四觀峰

黃復生

歷井捫參仄步行直排闥闔斗雲高著身高處不

知險回首看時方始驚世界三千藏粒粟江湖萬
里付浮萍何須更跨揚州鶴穩御雲軒朝玉京

雞山雜詠

張炳 潛石
昆明

愛山當戶旋開窓柳外墻陰吠小厖疎竹數竿斜
覆屋奔流一派遠臨江錐凸始信貧無地風靜方
知影是幢銷盡萬緣心似水篆烟裊裊伴銀缸

其二

欲學無心比野雲非關傲物遠離羣虛堂竹影清
塵夢靜夜松濤冷簟紋良友不嫌終夜過好山肯

與俗人分蒲團定處忘昏曉何處疎鐘隔澗聞

除夕山中同巖復如

張炳

明日年華又一新無家隨寓便安身兩年此夕棲
蘭若千里孤燈對故人夜欲分時還感慨話逢夙
昔轉悲辛人間歲事咸忘却獨與晨鐘梵唄親

友人攜酒入山

都察院
司務 敖 琰 述景
思南

十里松陰蔭碧苔石橋流水繞山隈老僧入定披
雲去居士參禪載酒來黃葉落時溪路隱蒼烟斷
處好峰開扶筇長嘯招玄鶴鷹隼迴翔莫妄猜

尊勝塔院看落梅

大鑑和尚

寒苔淡漠掩殘香零落疎枝掛短牆林下夢回春
已度湖邊鶴去影堪傷素英寂寂飛斜月玉葉霏
霏怯曉霜可惜灞橋詩興好蹇驢欹側怨風狂

其二

月色朦朧事可猜輕飄幾點人窓來一百五日候
將半二十四番風乍催春絮亂飛香寂寞冰衫碎
裂影徘徊最憐雨雪朝來冷玉骨離離葬碧苔

其三

春來簌簌到簾櫳橫笛孤吹怨未終素質銷殘冰
是窈芳魂化去玉爲叢橋邊驢踏香泥濕湖上鶴
歸霜徑空剩有數枝猶帶雪殷勤起拜落花風

其四

窓前忽訝點眉新誰向溪山護早春素襪侵苔珠
有淚生綃貼地雪生塵冰蠶竊食成香繭粉蝶偷
眠擬玉茵疑是雒妃乘霧過亂拋環珮贈花神

前題

李如楠

欲贈江南第一枝忽驚風暖過踈籬吹殘玉笛香

魂杳夢斷羅浮素影悲處士林中雖興盡壽陽粧
裡更傳奇多情最是騎驢客空自幽尋到水湄

前題

古笑

瓊姿偏與冷相宜暖信催時減玉肌恨逐東風驚
夢杳愁銷晴雪點粧遲蝶窺素艷翻苔徑鶴惜瑤
華步水湄縱是高枝零落盡遺香猶自點疎籬

前題

古道

樹底冰花千片冷牕前零落幾枝空蹇驢踏去愁
春雪雙鶴飛來怨曉風泥裹殘香霑屐齒鳥銜碎

玉過繁懽莫去素質今寥寂尚有疎枝待畫工

片雲居海棠

大鎔和尚

柔紅冉冉碧烟遮宋玉墻東媚更賒乍吐千含鬚
引露將歆欲墮暈生霞醉看夜色燒銀燭曉障春
風護絳紗正是楊妃初睡覺殘粧微印粉痕斜

其二

枝枝柔軟鬪嬋娟駘蕩春風二月天紅暈乍舒清
露墮嬌痕半褪曉霞鮮無情有恨誰能見似醉如
啼我獨憐南國莫愁香盡滅芬芳未許混淆妍

過鉢盂菴登絕頂望三塔

王埤漫

名山遙上鬱崔嵬虛閣通明絕頂開三塔烟霞天
外見萬松風韻座中來閒憑老衲探靈秘更透玄
關上佛臺欲覓守衣真寂處還從華首一徘徊

雞山道中曉望

姜思睿

路入天西別有天凌虛直上萬峰巔迴溪複澗叢
松靜盪日摩空海鏡圓性定不知山味寂官寒半
入野僧緣白雲高處閒飛錫萬里塵消一指禪

九重崖散步

曾高捷

拄杖穿林問路賒白雲淡處是吾家靜聞谷鳥遷
喬木閒看林蜂散午衙翠壁泉聲穿亂石碧潭雲
影透晴沙重重塵事真難了堪嘆浮生未有涯

夏日獅林小憩

曾化龍

滄海

六月寒生祇樹林尋幽誰問薜蘿深木魚聲遠有
清梵茶竈烟濃避野禽一逕草花添客思半潭雲
影弄秋陰夕陽欲下不歸去梧竹涓涓露滿襟
本朝

宿悉檀寺

張瑞揚

昏瘴棲遲頻夢歸葬歌匝地成烟徵恍然天上傳
消息偶爾人間混是非破衲蒲團添幻景寒泉古
木駐禪機清音寥亮知何處却羨雲中玄鶴飛

過九蓮寺

推官葉之馨

明德重慶

到處題詩字不磨悔將名姓點山阿莫云雲水生
涯好每覺風流罪過多法說二乘皆小果宗叅一
默許維摩何須更覓幽溪處怪石長松足放歌

水月菴

大理府

來

度

玄又浙江

一日冠簪換薜蘿滄桑幾度閱風波餘生浪跡甘

瓢笠拙計 山得嘯歌曲水當門涵片月亂雲穿
牖陰青莎當年此念稍迷却東土塵勞悔再過

領 勅還山

僧學蘊 知空

北闕承恩拜紫微臣僧捧 勅向西歸開天名嶽
千峰翠祝 帝華封百代輝梵宇煌煌沾聖澤綸
音赫赫鎮禪扉從今萬里雞山上五色祥雲逐日飛

雞足山

前人

天開華首佛遺蹤六詔雄開外岳宗地控雪山來
萬里水鄰蒼洱對三峰拈花笑後寂光定托鉢歸

時紫詔封自是金襴堪久定何須彌勒劫中逢

占雪齋

前人

五派宗分共一燈于今誰解問超乘泉流今日清
初地樹穴何年隱定僧梵唄聲中龍闔息天花影
禪佛光凝莫云此雪原非古二祖齊腰化未曾

雞足山

官純胤 素士
薪水

雞足幽奇果不羣傳衣入定古曾聞千崖倒樹藏
飛狄百澗奔泉灑亂雲蒼嶺雪明天外落金沙江
轉望中分最憐屢劫禪宗客華首門高不見君

前題

米

蕊 三岳 陝西

鳥啼春晝萬山中
亂落桃花碧澗紅
細細濕簑雲頂雨
飄飄吹衲石樓風
芝田鶴啄丹砂粒
玉洞龍眠老幹松
歸路從人回指處
知曾遊過幾重峰

前題

穆維深

濟公 遼東

拄杖仙源訪舊踪
望中崖谷翠重重
月壇雲護藤蘿暝
石鼎烟寒蔓艸封
花雨半山飛絳雪
松風萬壑響流淙
冷狀一洗塵心靜
歸路依稀遇赤松

再遊雞足山

張瑞揚

可遊雞足上高臺
雲樹蒼蒼蔭綠苔
木客似驚人獨去
山靈應笑我重來
放歌天地誰同調
寄跡烟霞自舉杯
清興未闌鵲喚醒
落霞高樹影徘徊

珠簾水

洪希 春宇

晶珠亂撒下瓊臺
不着人間半點埃
木月驚蜚霜色皎
四時長作雨聲來
春晴野燕穿難入
月冷山風吹不開
幾欲倚簾看紫翠
憑誰捲上掛雲堆

葦勝塔院看落梅

朱昂

春愁嘗在嶺梅邊
遊鶴華墜晚烟泥
惹殘香苔

徑懸風飄冷艷竹籬偏離披窗外難成夢裏落枝
頭只自憐素魄已隨流水去空餘疎影泣嬋娟

其二

慘淡霜柯影漸凋橫斜幾點襯溪橋昔承素艷殘
香冷風捲寒姿碎玉飄漠漠隴頭消息斷迢迢林
下夢魂遙可憐無數瓊瑤片都在江城笛裡消

前題

博道 王在極 居北 四川

東風一夜過枝頭狼籍寒香未易收碎玉頻飛愁
驛使冰肌乍褪怨羅浮

殘陸玉樓莫道芳姿零落盡淡烟斜月景偏幽

前題

鄧川 卞庭槐 遼東 州守

昨夜簾櫳吐曉霜笛聲空自怨青陽春冰細剪侵
苔濕碎玉斜飛擁砌涼亂點粉墻難辨影輕沾素
蝶尙餘香不教塵土污清質攜酒重看半面粧

片雲居海棠

蒙化 王命來 王翰 太守 江洋

天然綽約倚簾鉤國色輪君第一籌清露乍垂如
帶淚朝暎初映似含羞粧臨曉鏡脂方度睡足春
綉暈未收盡日倚欄看不足任教月上逞風流

雞足道中即事

范承勳 廣陽

昔年名勝聞雞足此日探奇信馬蹄
飛瀑聲中聽梵唄亂峰影裏覓招提
天開佛國雲為護境入猶源路欲迷
明發更期臨絕頂振衣回俯萬山低

登雞足山絕頂

范承勳

猿梯鶴徑倚雲斜策杖登臨景倍賒
洱水浮天開寶鏡番江環帶走金沙
點蒼東拱神州城乾竺西鄰佛子家
身到邊山心魏闕晴烟萬里望京華

雞足山

朱昂

一經迤嶺洗心橋向雲
中嶺首門從定裡開石印金欄存古色
霜侵銅瓦蝕莓苔夕陽欲下鐘聲動
夜半光生禮佛臺

獅子林

前人

振袂高峰望十洲晴空洗碧霧初收
霜華著樹迎來馬山色排烟送晚秋
古佛有燈難取影枯禪無相漸離鈎
應知昏瘴終須淨朗月重明邇舊遊

雨後遊玩虎居

庚午曾學祖 念修

橫空疊翠襯雲窩石上惟餘虎跡多
一線綠雲迴

細路千峰度雨瀉長河經聲書息窺僧定茶龜烟
瞑聽鳥歌牢把一筇隨去住浮沉天地任蹉跎

雞足山

僧慧暉 朗微 昆陵

幽巖邃壑足遊禪修竹長松映松筵嶺外一泓環
洱水空中半壁控賓川漢林空鶴渾無迹古洞烟
雲不記年最是曉鐘清客夢幾人到此息塵緣

五言排律

庚子春大錯和尚修志雞山命余二人編搜

勝蹟畱宿絕頂聯句

學蘊

廣稱

為尋名勝蹟屢杖屨遲遲為撥草攀危磴摩苔讀

斷碑稱岩頭花照綴樹外石參差蘊月影清泉澗

雲埋廢閣基稱何年尊者定一局列仙碁蘊穴古

藏書人樓偏掛錫欵稱前湖明似鏡孤塔立如鉗

蘊猿宿畱殘照雞鳴望曉曦稱雪峰春靄護金殿

紫霞披蘊地軸憑誰轉山靈若有期稱探求曾不

俗記載自多奇蘊尙友追千古龍門是我師稱

片雲居詠梅聯句

古道

朱昂

百花皆未發昂凍葦破寒枝傲雪偏能艷蘊麥霜

獨擅奇風來香入座昂月上影臨危烟水冰肌瘦
道橫窓壓質歆行藏難耐俗昂泉石始相宜逢憶
孤山鶴道微吟瘦嶺詩野樽嘗對子昂琴操許誰
知素艷迎春後道羅浮入夢時昂

雞足山絕頂

許昌言
廣安

振衣千仞上渺渺御天風道遇殮霞子山廻採藥
翁石樓晴復雨野迢斷還通榻古荒苔沒菴殘亂
艸封秋雲半嶺白海日五更紅恍惚聞仙樂依稀
駕彩虹潭波甯齒苔奉芙蓉從此忘歸路優

游千萬峰

雞足山

卡庭槐

別岳鎮南邦幽奇對點蒼峰懸朝日隱溪轉暮虹
長杖底雷生怒崖頭洞作房泉飛千筧亂蕙掛萬
松宋八寺宵鐘徹九崖暑雪藏溪林猿嘯雨高嶺
鶴驚雲華首門難闢袈裟石久荒猩猩啼笏殿野
畱走繩牀塔影雲霄迴經殘花雨香名山多夙約
婚嫁孰能妨

七言排律

雞足山絕頂聯句

大鎔和尚 張瑞揚 李如楠

普荷 學蘊 玄珠

廣稱 古道 朱昂

古笑

飛錫凌空到上方鎔羣峰踞列俯蒼茫揚蘿陰幕

歷籠丹嶂楠塔影參差掛石梁荷踏雪無痕過雪

嶺蘊傳心有印吐心香珠松濤高下連雲壑楠花

雨續紛繞畫廊道未到已知靈鷲似昂初來不許

大羅狂笑鐸鈴以下趨南詔鎔几案之間駐點蒼

揚分野輝煌躔井度楠地形蟠伏控諸羌荷崩騰

瀑布分晴雨鎔登降天門望佛光揚紫氣擁幢疑

緬甸稱江流如帶是蘭滄道林高獅子室尤靜昂

洞隱玄關過不違笑禮佛臺荒苔影綠鎔洗心橋

古土脂黃揚懸泉細噴成珠沫楠怪石雄奔盡激

昂荷嘯引颶風吹碧落蘊汗成霖澍倒銀潢揚朝

看瞰旭金盤湧楠暮攬晴嵐玉帶粧道森列三峰

羶虎豹昂莊嚴八寺炫琳瑯笑百千萬劫華音閉

鑿七十二潭龍窟藏揚名句推敲還擬謝楠高懷

磊落定追唐荷猢猻踏斷梯邊霧蘊羅漢縈廻壁

上霜珠水柱凍穿新客枕稱烟容繚繞舊禪房道

遙觀有水皆如練昂近擬無山不入囊笑萬里御

風清佩冷蘊千峰排戟曉烟長珠翻瓢亂瀉黃河

水錯點墨斜添雲漢章揚星斗摘捫無不可楠崑

崙飛跨亦何妨荷翱翔已覺臨蓬島蘊指顧何難

攬要荒珠呼吸此時通帝座稱袈裟昨夜剪霞裳

道勝遊雅集千秋事昂歌咏留連妬夕陽笑

登雞山頂

汪蛟

飛躡岫雲迷杖履斜探星斗作支牀摩空殿角驚

虹繞裊篆爐香引晝長列岫朝宗如吼伏神峰貫

日斷鴻翔靈鍾絕域辨封禪秀鎮諸蠻笑夜即蒼

嶺嗟我來輔相雪山晶嶽送清涼當年聖教興周

漢季代方隅阻宋唐南見采雲今已杳燈傳衣寶

尚蒸祥七雄六詔成灰土古佛經壇自霽皇賈島

游滇忘紀述相如歷部少鴻章蠻邦罕名文人駕

名勝私爲釋子場我輩登臨遊物表諸僧玄理問

空王十方色界脊歸幻四大音塵盡斥荒攬罷烟
霞遺世立笑他堯舜屬批抹

五言絕句

明

題三獻峽

按院周懋相鶴詢

對石疑無地攀蘿別有天雞山多勝槩得似此中

玄

袞袞寺

吳懋

翠虹天上路自塔海門螺回首袞袞石懸燈在薛

蘿

尋楊補洞

普荷

仙跡幽難覓憑高心自閒古人不可見得見古人

山

過白鹿洞

玄珠

理策陟巖阿烟嵐擁薜蘿山樵不到處白鹿臥青

莎

九子溪

妙地

長風吹萬松流影亂泉水只恐雲未淡有人來洗

耳

憶獅子林舊居

玄珠

茅屋自岑寂
薜蘿路轉深
土階苔蘚蝕
泉石每關

心

山齋落花

張炳

繞砌堆落花
呼童掃不
去
掃去復飛來
似向愁人

語

黃藥切

玄珠

結宇依青嶂
門逕生秋草
幽居愜素懷
日落山逾

好

山中夜坐

古道

風冷石泉響
幽人夜坐時
仰觀衆星列
悠悠生遠

思

其二

月上危崖白
輕雲散綠谿
夜鐘猶未定
好鳥莫輕

柶

山夜

古道

松際草蟲鳴
幽人夢不成
起看崖上月
木落夜鐘

聲

山居吟

前人

旭日炤林泉
曠曠靜茅屋
小犬吠松溪
起視千山綠

雲起

大鎔和尚

深溪白雲起
冉冉出前山
風雨徒相亂
老僧仍閉關

松下獨坐

前人

長松幾千尺
深夏不知暑
坐久無人聲
好鳥時相

語

石

金騰道張應井此峩壁山

怪石不知名
蒼然莓苔色
千年老樹蟠
奇古自相得

新竹

大鎔和尚

新篁梢出雲
翠色宛欲滴
搖曳引山風
耳目更幽寂

竹間看雲

古處

偶歛入深竹
竟日無人聲
迴環溪水碧
忽有白雲

生

雨過

盧桂生

朝來微雨過前峰
淨如沐彩霞次第生
扶筇觀不足

山夜鐘

李如楠

鐘聲度重雲
悠揚繞禪榻
定中何所聞
空音自相答

竹間待月

大鐸和尚

薄暝山氣佳
幽意誰能領
林深月到遲
徘徊竹間

山中秋夜

古道

微風動霜林
谷口疎鐘發
羈鴻鳴一聲
千山皆秋月

塔院眺望

曾高捷

一塔標晴眺
千山送夕暉
高臺坐冰雪
野翠濕人衣

本朝

白石崖

洪希

雞足山志 卷之十
拄杖綠雲林躡屐白雲石林深雲尚羸如何有人
跡

宿傳衣寺

心一中也

登臨與未窮聊向枕邊通
魂夢清如許滿山松桂
風

飛泉

大理太守沈

魁超豪三韓

懸泉濺樹杪飛流散如霧
隔竹聽溪聲淙淙不得
住

瀑布

卞庭槐

空崖不可窮高欄急飛瀑
山雲漸欲收松頭見天
絲

遊山遇雨

張瑞揚

山形隨步改策杖看不倦
雲雨陡然興更覺山色
變

六言絕句

明

所菴來掃徧融師塔仍還漢

憲副

陶

珽

不還姚安

不爲松楸何處惟憐衣鉢誰家怪得雞山幢影翻
成無盡天花

傳衣寺

吏部閃繼迪永昌人

華首門前風霧袈裟石上蒼烟爲問傳衣遠近一
聲何處媽歎

山居吟

廣稱

曲逕一番雨過淡林幾樹花開黃鳥飛過山去晴
雲流入窓來

其二

黃葉蒼苔鄰院清風明月吾廬石磴纔過野鹿柴
門時到山隴

華首門獨步

古道

秋淡宿雨初收策杖高崖獨步華首門封綠苔上
有白雲飛度

獨坐聞鐘

前人

亂水斜穿綠樹茅齋半倚青峰不是山中高臥何
來雲外踈鐘

白雲窩

玄珠

絕巘巉崖徑細松窗竹牖雲澗白鹿時來菴畔紅
塵不到山家

洛照

李思謙

落照寒鴉數點柴門流水依然老翁曳杖歸去不
知是人是仙

山居

大鎔和尚

澗響不聞人聲松陰竟忘亭午往來鹿豕爲羣耳
目居然太古

松下煮茶

前人

石鼎新芽自煎茶響松濤相亂白鶴飛來一雙幽
事居然分半

山居雜詠

章爾瑜 方水
貴陽

亂水斜穿竹徑碧雲橫帶山腰老人箕踞木榻白
眼看他市朝

山齋晚坐

大鎔和尚

晴嵐半隱松溪落照斜穿竹塢林外疎鐘數聲窓
下茶烟一縷

其二

好花半落苔徑山鳥亂噪繁枝窗外夜來風雨老
僧高臥不知

山居吟

古笑

開筵半依曲水結茅軒倚孤岑山犬時眠花下秋
蟬獨噪松陰

其二

竹木叢中古道翠微溪處人家白雲一片遠岫幽
鳥數聲落花

古學齋文室

曾高捷

客到青城不唾雲移碧岫無心卒我山中歲月任
他世上陰晴

本朝

山居吟

朱昂

卜築清溪淺水爲鄰瘦石蒼松路到門前幾折山
連雲外千重

其二

屋後幾竿疎竹門前數點秋山靜對花開花落閒
看雲去雲還

其三

黃葉半灣秋水青山一片斜暉柴門盡日深閉野
鳥無心獨歸

山中作

大理孫繼佐公彌
二守確山

溪崖既帶流水怪石復倚高松曳杖不知日暮歸
來步步雲封

山居

蒙化王命來王翰
太守江津

溪山松花落粉陰洞石髓如脂媿婚嫁何時當了河
清人壽難期

出君雜詠

來慶玄又

石上孤松千尺溪邊修竹一灣疎籬半隱茅屋惟
有白雲往還

山中偶作

僧學蘊

松下數聲鐵篋花間一曲瑤琴惟有溪雲山月于
今可當知音

七言絕句

明

圓通寺崖壁

李元陽

鐵壁蜷然擁糾宮曲欄迴磴穿玲瓏何年蛻下蒼
龍骨至今鱗甲生秋風

壽雞山和雅禪師

岷王禪汗

黃花開日瑞盈門法自空王座一尊受法多人皆
竚仰辨香千里憶酌恩

其二

莫羨玄家十種仙禪宗寶掌壽千年聖峰松栢崖
前老長伴清居別一天

其三

羸馮千言戒德高南都叅訪不爲勞自從分得曹
溪脉何必天家寵賜袍

其四

雞足千峰抱梵臺中藏龍象法雲開有緣再乞醜
醐味莫惜遙遙振錫來

玉龍閣觀瀑

方沉

飛泉千尺掛斜暉雲氣空濛鎖翠微似是山中一
夜雨乘風化作玉龍飛

和李中谿約遊雞足

翰林楊士雲

弘山

青山削出玉芙蓉聞道雲棲學五宗華首天門携
杖毘盧不羨妙高峰

觀風閣

僧廣慧野愚

遊遍蒼崖盡恣身誰云門內更藏真相逢欲問拈
花事千載空傳獻笑人

和雅法師從吳門還

鄧仲文

華首西來只此山白雲飛去又飛還滇吳總在二
千界明月惟師一指間

直指朱公遊雞足因贈

僧釋禪本無

佛光五色湧高臺霧靄霏霏排面來却訝香風殊
往日山靈應是愛仙才

迦葉殿

釋禪

曾記拈花微笑時被他黃面一時欺而今畱下千
年跡冷守袈裟有甚奇

雞山雜詠

如清

華首歸來舊竹房聞雲仍鏡白藤牀而今不着人
間跡特有青松足稻糧

其二

雞足山志 卷之十
一事無心亦太閒枯藤隨興有躡攀山鄰雖遠鐘
聲近只在烟嵐指顧間

其三

青林深隱白茅居石上泉通竹裡厨無奈野猿輕
薄甚時來盜我後園蔬

其四

白雲欲放峰先出黃鳥時聞雨乍晴絕巘道人成
久別蒼苔逕滑不堪行

雞足山

楊慎

凋房艸閣瞰彝庭側島懸崖控絕陁雞足已窮奇
亥步驚鷲頭空入梵王經

和雅法師說法吳楚後還雞山將廿年矣有

懷却寄

陶珙

吳楚烟波幾萬重金鱗掉尾許誰同歸來罷釣雞
山窟高唱漁歌捲碧筒

寄寂光寺水月禪師

朗目 慧光

革首峰頭大寂禪烟霞養得慧身堅有時坐到忘
言處迦葉重來展笑顏

登雞山絕頂

何如璧

一泓洱海杯浮影萬點青山棋落枰
脚底飛雲寒帶雪此身真是在蓬瀛

仙奕石

廣昭 德音

仙家賓從集雲關三百枯碁盡日閒
負局昔年鶴去獨留片石爛柯山

遊仙掌峰獨宿華首門

古道

偶爾尋幽憇此間石門高閉俯寒山
鐘殘月落半崖白孤鶴一聲雲外還

雞山夢中得句

大鎔和尚

洞門古松生秋陰孤雲不去清溪淡
雙鶴舞罷四山驚天風冷冷奏玉琴

山中晚烟

前人

晚步春山曳杖遲分明翠靄映空披
幾番回看前溪色身在烟中却不知

夢題爛柯圖

前人

一局殘碁世界移仙家日月有誰知
樵夫柯爛不歸去空記人間甲子期

溪邊晚眺

前人

朝衣着破着僧衣扶杖溪邊送落暉
鷗鳥也知機慮盡隨波來往不曾飛

山居

前人

竹樹參差映戶幽酒爐茶竈也風流
行人多有迷津者莫向前溪繫釣舟

過玄鹿洞

古處

曳杖逍遙入翠微亂峰寂寂迤斜暉
蒼崖石磴多迴折洞在溪谿鹿未歸

蒲團

古笑

不是枯禪習坐功當機一悟萬緣空
蒲團入定消塵劫山鬼何勞伎倆工

華藏洞

妙謙
恂如

古洞空明別有天石橋宛轉見流泉
藥爐丹竈依然在一日畱居便是仙

山牕瓶花

古處

名花插向膽瓶中疎密橫斜具化工
好下湘簾避風日肯教蜂蝶亂芳叢

山齋紙簾

達諦俗名吳鼎

山嵐帶雨過溪塘幾度斜飛到竹房纔把素簾遮
半面又隨風勢到禪牀

華首門

陳大猷

千尺危崖蔭碧苔佛光影現落層臺禪家入定尋
常事華首何須門再開

山中送別

古道

春溪水濺半山雲羈客魂消岐路分行入子規聲
近遠不堪回首對斜曛

初到雞足山

古處

幾年夢想在名山此日登臨杖履閒怪石清泉觀
不足老僧何事閉禪關

華首門

古笑

曳杖徘徊華首前層峰歷歷墜寒烟飲光大定何
時出古木蒼蒼不記年

雞山散步

曾化龍

杜鵑花底日將西獨立蒼茫意轉迷瓊宇琳宮三
十二杖藜隨處在攀躋

本朝

登四觀峰

姚安太守倪吳生順五巴縣

連夜洞天頗入夢雞峰清曉領詩筒瘦筇已定秋風約同上天門認舊踪

華首門

官純胤

直入雞山恣勝遊雲霞淡鎖洞門幽飲禿佛跡知何處艸自春秋水自流

前題

方正陽麗生陸京

守衣入定自何年岩戶長扃尚儼然千古誰為排

闔者祇從門外說機緣

佛燈

洪希

佛光普照業緣身千劫同圓一念真淡夜蒲團纔定後明燈影裡見前因

山居秋暮

朱昂

溪林寂寂晚風涼野竹含烟壓短墻幾片白雲橫遠岫一灣秋水送斜陽

雞山八景

天柱佛光

孫繼佐

白雲彌漫徧虛空五色毫光映日紅盡道如來親
示現攝身有影理難窮

華首晴雷

王在極

千尺懸崖旭日明遊人杖履悅春晴俯看山麓陰
雲滿隱隱轟雷一片聲

蒼山積雪

卞庭槐

點蒼百里畫圖工積雪春秋景不同好向雞山峰
頂看烟雲繚繞翠微中

前題

朱昂

十九峰頭雪影停白雲橫截半山青天封原自存
淡意正爲雞山列畫屏

前題

明古處

白雪蒼崖疊幾重青蓮花間玉芙蓉雞山絕頂開
來徃次第看他十九峰

洱海迴嵐

張瑞揚

山光樹色影參差洱水滌洞更自奇一片晴嵐朝
雨後空濛映帶也相宜

前題

沈魁

一片波光樹底明
迴嵐幾度變陰晴
風帆島嶼參差現
縱是丹青畫不成

塔院秋月

明盧桂生

晴空萬里碧於水
遙望嶺頭秋月生
塔影孤懸淡夜靜
冰壺濯魄恍難名

前題

明性靈
南無

亭亭塔掛青霄迥
萬籟無聲月正中
獨步長廊惟鶴伴
恍然身世在虛空

萬壑松濤

明妙謙
悔如

奔騰澎湃在虛空
却訝溪山波浪通
坐久始知音響異
松頭謾謾度長風

飛瀑穿雲

明曾化龍

高崖千尺碧流通
引霧牽烟亂遠風
回首晴空無雨色
玉龍斜掛白雲中

前題

羅時昇

誰將匹練界青山
搖曳隨風下碧灣
一片白雲橫嶺度
淡溪影裡水潺潺

前題

普默
耳觀

千尺銀河一派垂雷輓電散下山陁白雲杳靄橫
溪口斷續隨風勢更奇

重崖返炤

牟從周

斜陽返炤彩雲生樹石參差影更明崖半道人回
首看不知身隱紫霞城

前題

心一中也

落日吞霞映遠峰飛光廻炤翠芙蓉道人曳杖高
崖牛身在瓊樓第幾重

前題

明古道

雞足山志卷之十

藝文續

遊雞足山記

維揚徐元圭魯人

余惟山川之秀在於天不在於人然天開之未有不因人以成之者也雞足山以山形得名界賓鄧二州屬大理郡古為西域地故多佛祖神奇事漢以前不與中國通自相如論巴蜀後始通聲教亦僅羈縻之而已以及唐宋蒙段竊據終梗化外迨元至明既歸版圖於是遊踪宦轍輻輳其地

流佈中夏其名勝之概靈奇之蹟遂膾炙人口殆
與九華峨嶠諸名山競勝矣余心竊慕之然以
距萬里欲一探而不可得亦徒托之夢想間耳歲
丙戌會稽章公奉命守葉榆與余善因偕之行
冀欲成初志也抵榆後未得卽往越明年正月
午命肩輿由陸行三日抵山半之大覺寺宿焉其
入山之徑所經歷者則自拈花寺始過洗心橋而
麓一村名沙址有土主廟接靈山一會坊卽登山
至大龍湫折而上大士閣石鐘寺等處而紺殿

宮固已不勝紀矣明日山大覺過海光寺傳二寺
歷慧燈庵玉皇閣遂至迦葉殿瞻禮久之卽捨輿
徒步杖藜而登蓋至此則山愈高路愈險不可復
通輿馬矣大銅瓦寺少憩由寺後躡梯梯冠履
相接手足借作約理許遂造絕頂徘徊四望而一
山之全體盡在目中而金殿輝煌香燭洪壯天一
閣之崇高廣遠令人低徊而不能去瞻眺凡二三
時寒風刺骨不可久佇遂從山後曲折而下山束
身峽過虎跳淵捨身崖諸處以至華有門其導行

師解原指點曰某爲羅漢壁某爲九重崖某爲玉
龍瀑某爲盤陀石而紫峯石仙基枰香泉水八功
德水請細碎處亦一一舉示焉又遙指瑤樓玉宇
不下百十餘處皆巍峩輝煥插漢干霄無不躍然
於青睫間者已復邀余遊勝學傳衣尊勝塔院等
刹令得備覽其勝余曰不須已得之矣師曰君足
跡未至而云已得無乃而欺乎余曰非欺也姑少
俟當悉言之遂返大覺暮舍竟禪關導行師與主
僧輩曰吾試爲諸師言所以得之之故夫茲山嶽

峨綿亘來龍千里攢峰峭壁斷壑飛泉景象萬千
難以枚舉要而言之則迦葉殿正當胸臆爲一山
之主而其古貌聖像一尊相傳爲阿難手製卽不
其然然屢經回祿而不燬亦足異也其大觀在絕
頂北望雪山千里儼若銀屏東觀日出滄波光芒
奪目况金江如帶環繞其間西而洱海蒼山近若
咫尺南而千巒萬壑交錯其前卽佛光時現時隱
包羅萬象要莫非靈氣之所特鍾也至華首門一
圓盤旋數里壁立千尋而劈面特開重簷宛似郭

門深甕雙扉對列楹闌炯然嘗閱大藏諸典咸謂釋迦弟子大迦葉肉身入定於此夫以大慈氏神通廣運何所不可而又有神僧小澄與鷲鳥來朝種種靈異似未可以凡情度也此外若羅漢壁之陡峭虎跳澗之險嶺王龍瀑之飛灑盤陀石之錯綜其餘一峰一壑高或參天深如無地一崖一石肖似物形神工鬼斧凡此皆秀靈磅礴結而成是則所謂天也非人力也至於招提蘭若撲地而雲隨處佈置幾如碁列或垂青峰或臨碧嶺

孤柯或踞奇石莫不琳瑯丹雘備極莊嚴而暮鼓晨鐘經聲佛號遠邇相聞佛祖賴此以式靈遊人賴此以停轍修士賴此以棲息此所謂盡人之力以補天之所不逮也然變遷有時興廢不一固已遜天之爲之者一籌矣今余之登斯山也其於天人之際身歷而得者三之一遙望而得者三之一神會而得者亦復三之一固不必足遍巉巖日窮林藪而後始爲得也則余之所謂得之者豈其誣乎諸師以爲然否聞者皆唯唯稱善而退余復徒

倚閒庭憑高望遠萬籟無聲一塵不着惟見松濤
萬壑蘿月千峰而颯爽之氣襲人襟袖翛然有遺
世獨立之思焉其於自得之况更有難以形容者
時欲起諸僧而告之則固已欲辨而忘言矣爰屬
筆而爲之記

登四觀峰歌

前人

登中峰兮造巔揚雜佩兮雲褰睇金江兮蟬聯接
點蒼兮比肩白雲兮綿綿何雪山之列銀屏兮不
知其幾千百里亦恍然而來於吾前余懷兮介介

身世兮微纖迹憑虛兮揖羽仙將追踪兮廣成
之與偓佺

華首門

前人

壯哉華首門何年肇靈異雄峯接重霄深淵臨無
地崖端一壁懸石上雙扉閉依稀楹闕分彷彿金
鋪記虛覆兩重簷城闕差相類險峭水天成對之
心驚悸迦葉何因緣入此同遊戲又有小澄僧神
通與無二靈鷲歲來朝如期輒自至至人多神奇
未可輕嘗議我來新雨後烟景正明媚松濤翠欲

流花光爛如醉植杖岩阿間清爽從空墜歸宿半
山樓冷然不成寐

登雞足山

前人

爲探名勝事攀躋樹色雲光繞杖藜象教只今周
宇內神通早自關滇西石門華首丹霞掩金殿香
爐紫霧迷四觀峯頭時極目松濤萬疊衆山低

又

躡磴攀蘿上絕峰驚看險峭削芙蓉靈山雪色圖
中見潭游波光鏡裡逢星隕盤陀千點石壁懸羅

漢萬株松到來已自清心骨斷壑寒泉更幾重

宿大覺寺

前人

不盡登臨興投閒此靜林樓高山月小松密野雲
深大夢何由覺眞源豈易尋
雲氣
早巳淨名心

遊山八景

前人

天柱佛光

雲光蕩蕩滿山鋪湧出輪囷五色圓時向峰頭一
舒眺恍然觀面見眞吾
山佛光人人共見已

雜言詩前

萬山起合氣氣直衆嶺陰晴咫尺分霽日石門懸
一片寒聲只隔半溪雲

蒼山積雪

積雪皎如銀半壁平分作比隣總爲雞山開
勝於高懸圖畫四時新

海海題風

牛車出曉候碧山初來雲氣出波間時從四觀峯
頭望鏡裡依稀隨翠鬟

八月

四山風靜夜迢迢深院明蟾共寂寥百尺浮圖淨
如練一庭秋水浸瓊瑤

其塔粉堊瑩然潔白故云

萬壑松濤

鹿尾陰搖謾謾風崖巒一望總空濛不知身在翠
微裡疑泛虛舟碧海中

飛瀑穿雲

萬仞峯頭瀉碧泉近看如雨遠如烟最憐崖下閒
雲疊濕透寒光飛不前

重崖返照

落日山根弄晚晴
流暉東壁轉光明
崖端草木添顏色
疑是霞飛滿赤城

遊感通寺

前人

寺在榆城南十里
舊有波羅祖師遺雙足
印於殿中石上
至明初無極禪師入朝
有馬嘶花放之異
太祖因贈詩三律
今御書墨蹟猶存
楊升庵先生居南建寫韻樓
於此後人改題爲狀元樓
又昔有禪師夜

翻貝葉見龍女立其傍
叱之趨庭下化爲樹
後開白花中心出黃色
一瓣如如意狀
遂名龍女花而感通寺亦因此得名云

葉榆城外感通寺
古樹猶開龍女花
天子御書光日月
狀元樓閣鎖烟霞
松窓風度經聲細
金鼎雲橫篆影斜
小衲荒誇前代事
趾痕印石老僧伽

登五佛山訪佛語上人

前人

亂石荒榛百折蹊
林巒寂寂草萋萋
白雲影裡孤僧住
綠樹陰中衆鳥啼
岩虎雨風時一嘯
山猿花

果毋相携人烟隔絕誰能到野老探幽獨杖藜

警悟 滿庭芳調

前人

傀儡場中觸蠻隊裡忙忙歲月如流眼前人事水
上一浮漚使盡神機妙用都只為蝸角蠅頭却不
道生來有命空自費營謀 休休須向這愁城苦
海早把身抽且陶情物外寄跡林丘待學盟鷗野
老還有那夢蝶莊周但博箇瀟瀟灑灑詩酒任優

游

果毋相携人烟隔絕誰能到野老探幽獨杖藜

警悟 滿庭芳調

前人

傀儡場中觸蠻隊裡忙忙歲月如流眼前人事水
上一浮漚使盡神機妙用都只為蝸角蠅頭却不
道生來有命空自費營謀 休休須向這愁城苦
海早把身抽且陶情物外寄跡林丘待學盟鷗野
老還有那夢蝶莊周但博箇瀟瀟灑灑詩酒任優

游



